

BILADRIVE-20 ODT

Bilastine 20 mg

Apakah yang ada pada risalah ini

1. Apakah kegunaan Biladribe-20 ODT
2. Bagaimana Biladribe-20 ODT berfungsi
3. Sebelum menggunakan Biladribe-20 ODT
4. Cara menggunakan Biladribe-20 ODT
5. Semasa menggunakan Biladribe-20 ODT
6. Kesan-kesan sampingan
7. Cara penyimpanan dan pelupusan Biladribe-20 ODT
8. Maklumat lanjut
9. Pengilang dan Pemegang Pendaftaran Produk
10. Tarikh kemaskini RiMUP
11. Nombor siri

Apakah kegunaan Biladribe-20 ODT

Biladribe-20 ODT mengandungi bilastine iaitu sejenis antihistamine. Biladribe-20 ODT digunakan untuk melegakan simptom demam jerami (bersin, hidung gatal, berair dan tersumbat, mata merah dan berair) dan bentuk rinitis alergi yang lain. Ia juga boleh digunakan untuk merawat ruam kulit yang gatal (geligata atau urticaria).

Bagaimana Biladribe-20 ODT berfungsi

Bilastine ialah antihistamine yang tidak menyebabkan mengantuk dan bertindak lama yang membantu melegakan simptom alergi seperti bersin, hidung berair dan gatal. Ia menghalang kesan histamine, sejenis bahan kimia yang dihasilkan oleh tubuh sebagai tindak balas kepada bahan asing yang alergi pada tubuh.

Sebelum menggunakan Biladribe-20 ODT

- Bila tidak boleh menggunakan

Jangan ambil Biladribe-20 ODT jika anda alergi (hipersensitif) kepada bilastine atau sebarang bahan kandungan lain Biladribe-20 ODT.

Jangan beri ubat ini kepada kanak-kanak di bawah 12 tahun. Rujuk doktor atau ahli farmasi anda tentang dos yang bersesuaian bagi kanak-kanak di bawah

12 tahun. Selain daripada ubat ini, bilastine 10mg tablet orodispersible adalah lebih sesuai untuk kanak-kanak 6 hingga 11 tahun dengan berat badan sekurang-kurangnya 20kg.

Jangan beri ubat ini kepada kanak-kanak di bawah umur 6 tahun dengan berat badan di bawah 20kg memandangkan tiada data yang mencukupi.

- Sebelum mula menggunakan

Beritahu doktor jika anda mengalami gangguan buah pinggang yang sederhana atau teruk dan jika anda sedang mengambil ubat lain.

- Jika mengambil ubat-ubat lain

Beritahu doktor atau ahli farmasi yang anda sedang mengambil atau baru-baru ini mengambil sebarang ubat lain, termasuk ubat yang diperoleh tanpa preskripsi. Bincangkan dengan doktor anda terutamanya apabila anda mengambil ubat yang berikut:

- Ketoconazole (sejenis ubat antifungus)
- Erythromycin (sejenis antibiotik)
- Diltiazem (untuk merawat sakit dada)
- Cyclosporine (untuk mengurangkan aktiviti sistem imun anda, oleh itu mengelakkan penolakan transplan atau mengurangkan aktiviti penyakit dalam gangguan autoimun dan alergi, seperti psoriasis, dermatitis atopik atau artritis reumatoid)
- Ritonavir (untuk merawat AIDS)
- Rifampicin (sejenis antibiotik)

Cara menggunakan Biladribe-20 ODT

- Berapa banyak harus digunakan

Biladribe-20 ODT diindikasikan kepada dewasa dan remaja (12 tahun dan ke atas).

Sentiasa ambil ubat ini sebagaimana yang telah diberitahu oleh doktor atau ahli farmasi anda. Periksa dengan doktor atau ahli farmasi anda jika anda tidak pasti.

Dewasa dan remaja

1 biji tablet orodispersible sekali sehari untuk menghilangkan simptom rinokonjunktivitis alergi dan urtikaria.

- Tablet orodispersible ini adalah untuk kegunaan oral.
- Letakkan tablet orodispersible di dalam mulut anda. Ia akan larut dengan cepat dalam air liur dan boleh ditelan dengan mudah.
- Selain itu, anda boleh melarutkan tablet ini di dalam air sebelum mengambilnya. Pastikan tiada sisa pada sudu.
- Anda hendaklah menggunakan air sahaja untuk melarutkan tablet, jangan gunakan jus limau gedang atau sebarang jus buah yang lain.

- Bila perlu digunakan

Anda hendaklah mengambil tablet orodispersible ini satu jam sebelum atau dua jam selepas makan atau minum jus buah.

- Berapa lama perlu digunakan

Ambil ubat ini selama mana yang disyorkan oleh doktor anda.

- Jika terlupa menggunakan

Jika anda terlupa mengambil dos pada masa yang sepatutnya, ambil sebaik sahaja anda teringat, dan teruskan dengan jadual dos anda yang biasa. Jika sudah terlalu hampir dengan masa untuk dos yang berikutnya, tunggu sehingga masa untuk mengambil dos tersebut. Jangan ambil dua dos untuk menggantikan dos yang anda terlepas. Jika anda ada apa-apa soalan selanjutnya tentang penggunaan ubat ini, tanya doktor atau ahli farmasi anda.

- Jika mengguna berlebihan (terlebih dos)

Jika anda, atau sesiapa sahaja, telah mengambil terlalu banyak Biladribe-20 ODT, hubungi doktor atau ahli farmasi anda dengan segera atau pergi ke jabatan kecemasan di hospital berdekatan. Jangan lupa untuk membawa pek ubat atau risalah pesakit ini bersama anda.

BILADRIVE-20 ODT

Bilastine 20 mg

Semasa menggunakan Biladribe-20 ODT

- Perkara yang perlu dilakukan

Ambil ubat seperti yang dipreskripsikan oleh doktor anda. Beritahu doktor atau ahli farmasi jika anda mengalami sebarang tindak balas alergi terhadap ubat ini. Jika simptom berterusan, hubungi doktor anda.

- Perkara yang tidak boleh dilakukan

Jangan ambil ubat melebihi dos yang disyorkan. Jangan benarkan sesiapa menggunakan ubat anda

- Perkara yang perlu diberi perhatian

Hubungi doktor anda jika anda hamil, kemungkinan akan hamil atau menyusukan anak. Dapatkan nasihat doktor atau ahli farmasi anda sebelum mengambil sebarang ubat.

Memandu dan menggunakan jentera

Bilastine telah menunjukkan untuk tidak menjejaskan prestasi memandu ke atas orang dewasa. Walau bagaimanapun, tindak balas pada setiap pesakit mungkin berbeza. Dengan itu, anda perlu memeriksa bagaimana ubat ini bertindak ke atas anda sebelum memandu atau menggunakan jentera.

Mengambil bilastine dengan alkohol pada dos yang disyorkan (20mg), tidak meningkatkan rasa mengantuk yang disebabkan oleh alkohol.

Kesan-kesan sampingan

Seperti semua ubat lain, Biladribe-20 ODT boleh menyebabkan kesan sampingan, walaupun tidak semua orang mengalaminya. Jika anda mengalami simptom-simptom alergi seperti kesukaran bernafas, pening kepala, mahu pitam atau hilang kesedaran, bengkak pada muka, bibir, lidah atau tekak, dan/atau bengkak dan kemerahan pada kulit, berhenti mengambil ubat ini serta merta dan dapatkan rawatan serta-merta.

Kesan sampingan yang lain yang mungkin dialami oleh dewasa dan remaja ialah:

Kerap

- Sakit kepala
- Mengantuk

Tidak kerap

- Pengesanan jantung ECG luar biasa
- Ujian darah yang menunjukkan perubahan dalam cara hati berfungsi
- Pening kepala
- Sakit perut
- Keletihan
- Menaikkan selera
- Denyutan jantung tidak tetap
- Berat badan bertambah
- Loya (rasa sakit)
- Keresahan
- Hidung kering atau tidak selesa
- Cirit-birit
- Gastritis (Inflamasi dinding perut)
- Vertigo (rasa pening atau berpusing)
- Rasa lemah
- Dahaga
- Dispnea (kesukaran bernafas)
- Mulut kering
- Ketakcernaan
- Rasa gatal
- Kudis selesema (herpes oral)
- Demam
- Tinitus (bunyi berdesing dalam telinga)
- Kesukaran untuk tidur
- Ujian darah yang menunjukkan perubahan dalam cara buah pinggang berfungsi
- Lemak darah meningkat

Kekerapan tidak diketahui

- berdebar-debar (terasa denyutan jantung)
- takikardia (laju denyutan jantung)
- muntah

Anda boleh melaporkan sebarang kesan sampingan atau kesan advers ubat kepada Pusat Pemantauan Kesan Advers Ubat Kebangsaan melalui laman web npra.gov.my [Consumers → Reporting Side Effects to Medicines (ConSERF) or Vaccines (AEFI)].

Cara penyimpanan dan pelupusan Biladribe-20 ODT

- Penyimpanan

Jauhi semua ubat daripada kanak-kanak.

Simpan dibawah suhu 30°C.

- Pelupusan

Ubat-ubatan tidak harus dilupuskan melalui air buangan atau sisa isi rumah. Sila rujuk kepada ahli farmasi anda mengenai cara yang betul untuk melupuskan ubat yang tidak diperlukan lagi. Langkah-langkah ini dapat membantu melindungi alam sekitar.

Maklumat lanjut

- Rupa dan warna produk

Tablet berwarna putih atau putih kekuningan, berbentuk bulat dwicembung, permukaan kosong di kedua – dua sisi, dibekalkan dalam aluminium blister.

- Bahan-bahan kandungan

– Bahan aktif
Bilastine

– Bahan tidak aktif

Microcrystalline Cellulose, Mannitol, Sucralose, Silica Colloidal Anhydrous, Purified water, Crosspovidone, Masking flavour, Strawberry flavour, Magnesium stearate

- Nombor MAL:

MAL*****

Pengilang

Athena Drug Delivery Solutions Pvt. Ltd.
Plot A1-A5, MIDC, Chemical Zone, Ambernath (West),
Maharashtra, 421 501, India

Pemegang Pendaftaran Produk

Mega Lifesciences Sdn. Bhd.
B-28-02, The Ascent, Paradigm,
No. 1, Jalan SS 7/26A, Kelana Jaya,
47301 Petaling Jaya,
Selangor, Malaysia

BILADRIVE-20 ODT

Bilastine 20 mg

Tarikh kemaskini RiMUP

8/6/2026

Nombor Siri